

**ԵՐԶԱՆԻԿ ԳԵԻՈՐԳՅԱՆ
ՍՈՒՍԱՆՆԱ ԳԵԻՈՐԳՅԱՆ**

**ՀԱՐՅԸ ՈՐՊԵՍ ՈՃԱԿԱՆ ՄԻՋՈՑ ԳԱՐԵԳԻՆ ՆԺԴԵՀԻ
ԱՇԽԱՏՈՒԹՅՈՒՆՆԵՐՈՒՄ ԵՒ ԳՐԱԿԱՆ-ՀՌԵՏՈՐԱԿԱՆ
ԺԱՌԱՆԳՈՒԹՅԱՆ ՄԵԶ**

Գարեգին Նժդեհը, լինելով ճարտասանության մեծավարպետ, իր երկերում խօսքը ներգործում ու համոզիչ դարձնելով նպատակով մշտապես դիմում է ոճական պատկերաւոր եւ ճարտասանական տպաւորիչ միջոցների: Մոյն յօդուածում քննութեան կառնուի ճարտասանական հնարներից մեկը՝ հարցը:

Հարցերի ծաւալն ու յանախականութիւնը: Ուրեմն նախ՝ ինչ նշանակութիւն ունեն շարադրանքում հարցերը, որոնց մեծագոյն մասը, ինչպէս կերելայ յետագայ մէջբերումներից, հռետորական բնոյթի են: Հարց տալու միջոցով հեղինակը պարզաբանում է ինչ-ինչ խնդիրներ, դրոյթներ, հարցադրումներ, հանգամանքներ կամ պահանջում դրանց պարզաբանումը՝ միաժամանակ արտայայտելով սեփական դրական կամ բացասական վերաբերմունքը: Հարցի ձեւով ներկայացնելով ասելիքը՝ Նժդեհ-ճարտարուեստագէտը ձգտում է, որ ընթերցողը սեւեռուի դրա վրայ, համակուի դրա բովանդակութեամբ, կռահի կամ մտովի փնտրի պատասխանը: Այս ամէնը՝ յուզախառն, ըստ ասելիքի՝ երբեմն հնչեցնելով հաստատականութիւն ու հաւատ, երբեմն զայրոյթ, ցաւ կամ վիշտ, տարակուսանք, երկընտրանք, նախատինք...

Սակայն առայժմ կանգ առնենք այս ճարտասանական միջոցի արտաքին կողմերի վրայ:

Ի՞նչ չափի են լինում հարցերը, ինչպիսի խտութեամբ: Նախ հարցը կարող է արտայայտուած լինել մեկ բառով, ինչպէս յետեւեալ մէջբերումներում. «**Զիջո՞ւմ** - հերոսի համար չէ դա»¹: «Հարուածելուց առաջ ողջունել իր հակառակորդին - հնում այսպէս էին վարում ասպետոգի կռուողները: **Իսկ այսօ՞ր...**» (Հ, էջ 392), «**Ազատութի՞ւն** - այո, երբ... ազատօրէն գործելու կարելիութիւն կայ: **Իրաւո՞ւնք** - միայն սեփական հայրենիքում... **Երջանկութի՞ւն** - հայրե-

¹ Գ. Նժդեհ, *Հատրնաիր*, Երեւան, 2006 թ., էջ 655: Մոյն գրքի վերաբերեալ յղումները կտրուեն շարադրանքում (Հ, էջ):

նագուրկներին համար խաբուսիկ են բոլոր տեսակի երջանկությունները»²: Անշուշտ, ստեղծագործողը կարող է ընդգծում բառերում հանել հարցական նշանն ու յուզականությունը պահպանելու համար փոխարինել, ասենք, բացականչական նշանով, կամ կախման կետերով, եւ կամ դնել վերջակետ: Ի դեպ, այս կերպ գրումս դրուագներ էլ կան: Յիշատակենք վերջին եղանակով մի նմուշ. «Սակայն **այդպէ՛ս է** հասկացել մեր ժողովուրդը. ո՛հ, դժբախտաբար: **Հետեանքը:** Մեր նկուն ու ողբալի վիճակը: **Պատճառը:** Կոյր եւ բարբարոս կուսակցամոլությունը...» (Հ, էջ 37): Բայց հարցը, մասնատրապէս՝ հռետորական հարցը, Նժդեհի ամենասիրած ճարտասանական միջոցներից է, որին էլ տալիս է նախապատությունը յիշեալ հնարաւորությունների ընտրութեան դէպքում: Իսկ հարցի կամ հռետորական հարցի դիմելու դէպքերը բազմաթիւ են ու բազմաթիւ:

Այնլի մեծ ծաւալի հարցերի մի ուրիշ մաս բաղկացած են բառակապակցություններից, որոնք յետագայ շարադրանքում շատ-շատ են հանդիպելու, իսկ մի երրորդ մաս՝ ամբողջական նախադասություններից: Ինչպէս. «**Դե՛մ ես վերանորոգմանը** - դեմ ես կյանքին» (ՌԽՄ): «**Մոռացա՛ր իր պատմությունը**, ասել է՝ անխրատ է ժողովուրդը եւ պատժի է արժանի» (Հ, էջ 457), «**Զո՛ւրկ է մի ժողովուրդ ինքնապաշտպանութեան ընդունակությունից** - նշանակում է նա գուրկ է ամէն մի առաքինությունից, գուրկ՝ գոյութեան բարոյական իրավունքից» (Հ, էջ 64), «...մէնակութեան սարսափը: **Համակվե՛լ է մի ժողովուրդ այս սարսափով**-պարտւած է, կորած» (Հ, էջ 62): «**Չկա՛յ վստահություն** - բարոյապէս անդամալոյծ է բանակը: **Պակասո՛ւմ է հավատը՝** կենդանի դիակ է բանակը»³:

Այժմ Գ. Նժդեհի ստեղծագործություններում քննուող սոյն ճարտասանական միջոցի կիրառութեան մի առանձնայատկութեան՝ հարցերի խտութեան մասին: Զարմանք է յարուցում, թէ որքան ու որքան յաճախ է նա դիմում հարցախմբերի. ըստ որում, հարցերն անմիջականօրէն յաջորդում են միմեանց, նաեւ նոյն նախադասութեան մէջ. ասելիքը կառուցում է հարցական նշանների հիմքի վրայ: Բերենք օրինակներ. «Պիտ ապրի՛ եւ հայ ժողովուրդը: Պիտ ապրի՛, որովհետեւ այդպէ՛ս է ուզում ինքը: Բայց **ի՛նչպէս, ինչի՞ շնորհիւ, ի՛նչ տվեալներով, գրաւակա՞նը**» (Հ, էջ 26), «Կա՛յ մի պատուհասող ոյժ, մի ձեռք, որ դատում է մեզ, պատժում ամէն օր, ժամ, վայրկեան: **Ի՞նչ է նշանակում սա: Ո՞վ է, ի՞նչ է այդ խորհրդաւոր ոյժը:** - Դա մեր խիղճն է...» (Հ, էջ 93-94): Ահա

2 «Ռազմիկ» օրաթերթ, *Խօսակցություն մը զօրավար Գ. Նժդեհի հետ*, 1943 թ., թթ. 169-178: Այսույետեւ սոյն աշխատութեանը վերաբերող յղումները կտրուեն յետագայ շարադրանքում (ՌԽՄ) հապաման տեսքով:

3 «Հայրենիք» ամսագիր, *Ազատ Միւնիք*, թիւ 12 (հոկտեմբեր), 1925 թ.: Այսույետեւ սոյն հրապարակման վերաբերեալ յղումները կտրուեն շարադրանքում (ԱՄ) հապաման տեսքով:

մի հատում «Պատմության դատաստանը» յօդուածից: Այստեղ փաստերի թուարկում է, որ հնարաւոր էր կատարել հաւաստման տարածում եղանակով: Իրար է յաջորդում եօթ հարց՝ ներկայացնելով փաստերը՝ ասես դիմելով դիմացինին ու պատասխան պահանջելով. «...«պրոլետարական դիկտատուրա»-ի դեռ առաջին տասնամեակում Ռուսաստանում կային 25 անգամ աւելի բանտեր, քան գոյութիւն ունէին Յարի օրով: Հապա կոնցենտրացիոն **լագերները**... արհեստական **սովեթը**, Չեկայի կողմից «քեմադրուած **սպատամբութիւններ**»-ը, զանգուածային **ջարդերը**, կղերականութեան **գողգոթան**, սպայութեան **ոչնչացումը**... մութ... **կատակոմբները**, որոնց մասին դեռ ոչինչ գիտէ արտաքին աշխարհը» (Հ, էջ 622):

Շատ աւելին. որոշ ստեղծագործութիւնների ամբողջ հատումներ, որոշ յօդուածների գրեթէ կեսը շարադրուած է հարցախմբերի հիման վրայ: Ըստ որում, արծածում են հայ ժողովրդի համար վճռականօրէն կարեւոր՝ գոյութեան, անկախութեան, բարոյական վերանորոգման, պատմութիւնն ու լեզուն չմոռանալու, ինքնաքննադատութեան ունակութեան ու նման գաղափարներ: Ահա «Օրերի օրը» համարեա չորս էջանոց յօդուածը, որի մէջ Մայիսի 28-ը պաշտամունքի օր է հռչակում: Այստեղ միմեանց են յաջորդում քսանի չափ հարցեր. իւրաքանչիւրը ազգային մի խոտելի կողմ է վեր հանում, կողմեր, որոնց գոյութեան համար ընդունուած է օտարին մեղադրել: Մոռացուել է մայիսի 28-ը, հայրենապաշտ չենք, դատապարտել ենք մեզ թուլութեան, ազատ երկրներում հայը կամաւոր թրքախօս է, մեր կեանքում մտաբարոյական անիշխանութիւն է. «**Ո՛վ** է ստիպում մեզ չլինել հայրենապաշտ», «**Ո՛վ** կարող է ինքնանուաստացումի գոհ դարձնել մեզ», «**Ո՛վ** եւ **ի՛նչը** կարող է արգիլել... օգտակար լինել Հայրենիքիս»: Կամ. «**Օտա՛րն** է մեղաւոր, երբ...հայութեան մի մասը... կը շարունակէ գործածել... շնական ժողովրդի լեզուն», «**Օտա՛րն** է մեղաւոր, որ կան հայեր, որոնց կողմից հնագոյն ժողովրդի անդամ լինելը չէ գիտակցում, որպէս գերագոյն երջանկութիւն»: Հետեւում է վերջին ամփոփիչ հարցը՝ «**Օտա՛րն է մեղաւոր** այդ բոլորի համար... ո՛չ, ո՛չ...»: Յօդուածը տպագրուած է 1926թ. «Արաքս» պարբերականի 99 համարում: Միաժամանակ անհրաժեշտ է ընդգծել, որ այսքան շատ լինելով հանդերձ, հարցերը մերվում են նիւթի բովանդակութեանը. տպաւորութիւն է առաջանում, թէ շարադրանքը հենց այդպիսին էլ պիտի լինէր, այդ կերպ են ընթերցողի մէջ բարձրանում համապատասխան զգացմունքներ, ուրեմն նաեւ՝ համապատասխան եզրահանգումներ ու մղում ի գործ:

«Տարածուող Անին» երկու էջի չափ յօդուածում իրար են յաջորդում դարձեալ քսանի չափ հարցեր: Գաղթ, նիւթական անմխիթար վիճակ, ուծացում, երկրաշարժ, այլեւայլ վտանգներ, տառապանք. հարցերը գալիս են խորիւրդ

տալու՝ *հայ մա՛րդն է* աւելի ձգտում օգնելու իր ազգակիցներին, թէ մահը, *հայն արժանի՛ է* անկախ հայրենիք ունենալու, *տառապանքը ազնուացնո՛ւմ է* մեր ժողովրդին...: Խօսքը դարձեալ 1926 թ. օրերի մասին է, իսկ յօդուածը տպագրուած է նոյն «Արաքս» թերթի թիւ 233-ում:

«Մեր յեղափոխութեան արարիչը» երեք էջից էլ պակաս յօդուածում՝ տպագրուած Պլովդիում «Հայաստան» պարբերականի 1924 թ. թիւ 29-ում, շարադրուած է մի մեծ հարցախումբ: Այն հանգամանակից, բայց յուզականօրէն պարզաբանում է Նժդեհի գաղափարախօսութեան մի ամբողջ ուղղութիւն: Մի ժողովուրդ այլեւս տառապանքներ չի կրի ուրիշներից, նրան կօգնեն ու կդաշնակցեն, եթէ աւելի ու աւելի ուժեղ լինի, ամէն ինչի հանցանքը նրանն է, ով թոյլ է: Բայց մէջբերենք այդ հատուածը. «...Արեւմտահայաստանէն կը բարձրանար աղաղակը հաւաքալամ խաչեցեցելի... Իսկ մարդկութիւնը՝ յանցաւոր ու անտարբեր կը պատասխանէր. - **Ծարա՛ւ ես**, արբ արցունքդ ... - **Կոտորո՛ւմ ես, ջրի չա՛փ էլ արժէք չունի արիւնդ՝** դու ես մեղաւոր, որովհետեւ թոյլ ես... - **Կողոպտո՛ւմ ես, տէր չե՛ս վաստակիդ՝** դու ես մեղաւոր, որովհետեւ թոյլ ես... - **Շղթաների մէ՛ջ կը ծնին, կ'ապրեն, կը մեռնեն գաւակներդ՝** դու ես մեղաւոր, որովհետեւ թոյլ ես... - **Կա՛խ է գլուխդ, խոնա՛րի է ճակատդ, բռնութեան լծի տակ երկտակուա՛ծ է մէջքդ, պատուիդ տէրը չե՛ս, ցեղիդ սրբազան լեզուէն օգտուելու իրաւունքն իսկ չունե՛ս, վաղո՛ւց է ինչ եկեղեցիներիդ զանգերի քաղցր դօղանջը չես լսում, առանց խտէլի եւ վեհութեան կը սողաս միայն -ստորո՛ւկ ես**, դու ես մեղաւոր, դու. **ի՞նչը մղեց քեզ միամտօրէն հաւատալու ցնորապաշտ Նազովրեցու վսեմ, բայց վտանգաւոր խօսքին: Ո՛վ ասաց, որ թոյլը մեղաւոր չէ, որ թոյլ է...** - **Ուզում ես վերջ տալ գերմարդկային տառապանքի՞դ**, որի Շէյքսպիրը դեռ չէ յայտնուել: **Ուզում ես վերջ տալ գողգոթայի՞դ**, որի վրայ, որպէս յոյսի ժողովուրդ, կը մեռնես ամէն օր եւ չես մեռնի: **Ուզում ես փրկուի՞լ.** - եղիր ոյժեղ, քանզի թոյլերը բարեկամ չունեն աշխարհում... Տոյց տուր... առաջինը, որ գիտես մեռնել գիտակցօրէն, երկրորդը՝ որ գիտես մեռնել: **Ապացուցեցի՞ր այդ, ունեցա՞ր այդ երկու առաքինութիւնները... փրկուած ես»:**

Դժուար է, չասելու համար անհնարին է, հայ գրականութեան մէջ մատնացոյց անել մեկ այլ գրչի մարդու, որն այդպէս արուեստօրէն եւ այդպիսի խտութիւն ունեցող խմբերով դիմեր հարցերի ճարտասանական միջոցին:

Որոշակի հարցախմբերում իւրաքանչիւր հարց՝ դրան յաջորդող յետեւութիւնը հնարաւոր է արտայայտել շարահիւսական մեկ այլ ամբողջական միաւորով, այն է՝ գլխաւոր նախադասութեամբ՝ իր պայմանի երկրորդական նախադասութեամբ, ստորադասուած *եթէ* շաղկապով, կամ նաեւ ժամանա-

կի երկրորդական նախադասությամբ՝ ստորադասուած *ևրբ* շաղկապով: Այսինքն՝ տուեալ խօսքային հատուածը հարցական նախադասութիւնների փոխարէն շարադրել պատմողական նախադասութիւններով: Այսպէս, բնութագրելով ժողովրդի առաջնորդին՝ Նժդեհը մերժում է ինչ-ինչ բացասական հատկութիւններ՝ գրելով. «**Եսակա՞ն է՝** անասնանում են նրա հետ առնչուողները: **Ծո՞յլ է մտաւորապէս՝** հոգեւոր հնավաճառներ են դառնում նրան շրջապատողները: **Անհայրենապա՞շտ է՝** հակահայրենիք հրէշներ են վխտում նրա շուրջը» (Հ, էջ 179): Այո, հնարաւոր է վերը նշուած կերպով փոխաձեւել հատուածը եւ շարադրել պատմողական նախադասութիւններով խօսքաշարեր: Ի վնաս իմաստային կողմի գուցէ շատ բան չի փոխուի, բայց չի լինի պահանջուող խօսքի ոյժը, ինչի համար էլ հեղինակը նախընտրել է ճարտասանական հարցերի միջոցը: Բերենք մեկ այլ հատուած: Այստեղ վերլուծում է կռուի մարտավարութիւնը. «Որեւէ համառ կէտի վրայ ուժաթափել թշնամուն եւ ապա անցնել յարձակողականի... **Յո՞րտ է,** աւելի լաւ, **թո՞յլ է թշնամին** -յարձակի՛ր: **Անձրեւո՞ւմ է,** աւելի լաւ, **թո՞յլ է թշնամին** -յառաջացի՛ր: **Բո՞ւք է, մառախո՞ւղ** - ուրախացի՛ր, որպէս գայլը, եւ առաջ: Իսկ երբ իջաւ եօթնիցս օրինում գիշերը - ցնձա՛, դու արդէն յաղթել ես» [Հ, էջ 46]: *Երբ* կամ *ևթէ* շաղկապներով սկսուող նախադասութիւններով շարադրելու փոխարէն հեղինակը նախընտրել է վեց հարց: Եւ կամ. «Դերեր կան, որոնք միջակութիւն չեն վերցնում: **Կա՞յար ես՝** եղի՛ր Մարկ Արեւիոս. **Իմաստասէ՞ր ես՝** եղի՛ր Պղատոն. **Զորավա՞ր ես՝** Աւարայրի Վարդան եղի՛ր» (Հ, էջ 366):

Եւ այսպէս. հարցերը՝ մեծ մասամբ հռետորական, արտայայտում են մեկական բառով, բառակապակցութեամբ կամ ամբողջական նախադասությամբ, շատ յաճախ հանդէս են գալիս խմբերով, որպէս ճարտասանական միջոց եւ նախընտրում են նոյն իմաստը պարունակող պատմողական նախադասութիւններից:

Հարց եւ պատասխան: Ինչպէս միշտ, այժմ էլ տրուող հարցերը կարելի է քննութեան առնել՝ կապուած այն հանգամանքի հետ, թէ ինչ պատասխաններ են ակնկալում: Ըստ այսմ, լինում են յետեւեալ խօսքային իրաւիճակները:

ա. Հարցեր, որոնց պատասխանները չեն ակնկալում կամ ինքնին հասկանալի են: Այսպիսի հռետորական հարցերով Նժդեհը հասարակութեան ուշադրութիւնն է հրաւիրում կյանքի ամենատարբեր կողմերին՝ պատմական, քաղաքական, բարոյադաստիարակչական, ցեղային, ռազմավարական, հասարակական, նոյնիսկ օրուա կենսակերպին վերաբերող, միով բանի, իր գաղափարախօսութեան դրոյթների վրայ: Սկսենք հեղինակի հոգու ցաւից, որ համընդհանուր հայութեան ցաւն է: Ահա հարցը. «...իր անօ-

րինական ցաներէն եւ ամօթանքէն լեզու ելած հայաստանցին իր հարցումը կ'ուղղէր ճակատագրին. **ինչո՞ւ այսպէս, եւ մինչեւ ե՞րբ»** (Հ, էջ 171): Այլ է յաջորդ հարցը, որ մատնանշում է հայ ժողովրդի փրկութեան ուղին. «Ա՛հ, Յեղայայտութեան երանելի օր, **պիտի ուշանա՞ս, արդեօ՞ք հեռո՞ւ ես»** (Հ, էջ 184): Այլ թեմաներ: «Բանտարկեալները» յօդուածում ուշադրութեան առարկան ազատագրկուածներն են. «Բայց, աւա՛ղ, այդ կարմիր բանտարկեալների տասնեակից միայն մէկն է ազատուում, **իսկ միւսները...**» (Հ, էջ 436): Այդ մտահոգութեամբ, բանտից Սիմոն Վրացեանին գրած նամակում յուզախոռով բացականչում է. «Սիրելի Սիմոն, գիտեմ, տեսնելով ձեռագիրս՝ պիտի խռովես հոգով: **Նժդեհը կենդանի՞, հաւատա՞լ»** (Հ, էջ 699):

Հռետորական հարցերը նոյնպէս լինում են փնջերով, համաձայն հեղինակի սիրած գրելաոճի՝ այդ կերպ շիկացնելով խօսքային իրավիճակը. «**Ո՞ր հայ գրողը, ո՞ր ճշմարիտ հայրենասէրը, եւ մասնաւորապէս, ո՞ր ռազմիկը** Հայաստանին սպառնացող վտանգի վայրկեաններին չէ ոգեկոչել Հայրենիքի համար մեռնել՝ ուխտած մամիկոնեանների օրինակը: **Ե՞րբ է** հայ սուրը գործել առանց Վարդանի եւ գրիչը շարժուել՝ առանց Մեսրոպի անունը տալու: **Դեռ երէկ չէ՞ր**, որ հայ գրողներէն ամենացեղաշունչը – Վհարոնեանը... Ղարաքիլիսը անուանեց «Նոր Աւարայր»: Եւ **ի՞նչ է Աւարայրը...** Եթէ ոչ տարօնական ոգու մէկ գործը», - հնչում է «Ինչո՞ւ տարօնականութիւն» յօդուածում (Հ, էջ 540-541): Նոյն յօդուածի առաջին երկու մասում, յատկապէս երկրորդում, այսպիսի հարցափնջեր են: Մի փունջ էլ երկրորդ մասից. «**Ի՞նչ, Հերոսականութեան... Մամիկոնեանի բարոյականի կարիք չէ՞ զգում** օրւայ հայութիւնը: Այլեւս «արիաբար առաջ անցնող»ներ **պետք չէ՞ն**. Հապա վտանգւած **Հայաստա՞նը: Զարմանալի՞ է**, որ հայ զինուորը... Մամիկոնեանների ոգուց... է խօսում: **Այդ ո՞ր օրանից...** հերոսապաշտութեան քարոզչութիւնը... վտանգաւոր հերետիկոսութիւն համարեց» (Հ, էջ 547-548):

Ինչպէս յայտնի է, որոշակի հռետորական հարցեր, արտայայտած բովանդակութեամբ պայմանաւորուած, ենթադրում են պատասխաններ, ու թէեւ վերջինները չեն շարադրուում, միեւնոյնն է, ընթերցողը կամ ունկնդիրը ներքուստ զգում է ակնկալուող պատասխանը: Ըստ որում, եթէ հարցը բացասական երանգով է ձեւակերպուած, եւ գործածուած բայերն էլ ժխտական խոնարհման են, պատասխանը սպասում է դրական՝ հաստատական: Ահա այդպիսի հարցերից մի քանիսը. «Միթէ եօթնիցս **զգուելի չէ՞** հայրենիքի զգացումն ու պաշտամունքն զուրկ անհատը» [Հ, էջ 471], - իր բաց նամակում հարցնում է Նժդեհը Մայքլ Արլէին. «Անարի լինել եւ անկախ հայրենիք երազել - **ծիծաղելի չէ՞** դա: **Անմտութիւն չէ՞** եւ ոչխար լինել եւ գանգատուել գայլերից» (Հ, էջ 109), «Ժամանակը չէ՞ խոստովանել... որ հայն իր պատմութիւնից

բնաւ չի սովորում» (Հ, էջ 586): Ակնկալում է, որ այս հարցերով հեղինակը ցանկացել է ասել համապատասխանաբար՝ *զգունի է, ծիծաղելի է, անստութիւն է, ժամանակն է*: Եւ ընդհակառակը, եթէ հարցը ձեւակերպուած է դրական երանգով եւ գործածուած բայերն էլ դրական խոնարհման են, պատասխանն ակնկալում է բացասական. «...մեր ժողովուրդը **գիտակցո՞ւմ է**, թէ երբեք իր գլխովին կորչելու վտանգն այնքան մեծ չի եղել, ինչպէս այսօր: **Գիտակցո՞ւմ է**, թէ անցեալում իր վիճակը... նազ մտահոգիչ է եղել, քան այսօր» (Հ, էջ 26), «**Յեղաճանա՞չ** են օրայ մեր ուսուցիչները» (ՌԽՄ), «Իսկ արտաքին **պայմանները, Եւրոպա՞ն**, որը Հայկական հարցը ծառայեցրեց իբրեւ առիթ՝ Թուրքիոյ ներքին գործերին միջամտելու եւ սակարկելու նրա հետ - **ճանաչո՞ւմ էին** Եւրոպան» (հայ մտաւորականները /հեղ. հեղ./) (Հ, էջ 631-632): Ակնկալուող պատասխաններն են՝ *չի գիտակցում, ցեղաճանաչ չեն, չէին ճանաչում*:

բ. Հարց, որին յաջորդում է պատասխան: Հարցերի միջոցով շարադրելով իր գաղափարները՝ հեղինակը, բացատրութիւնների անհրաժեշտութեամբ պայմանաւորուած, այլ դէպքերում անմիջապէս տալիս է նաեւ իր պատասխանը: Իր իսկ հարցին, թէ այսօր կամ վաղը *հնարաւո՞ր է* համաշխարհային եղբայրութիւն, տրւում է հետեւեալ պատասխանը. «Ո՛չ, ո՛չ ի հարկէ» (Հ, էջ 455): Ուրեմն՝ «**Ո՞ր է ելքը: Ո՞վ կը փրկէ** հայ հոգին ստոյգ մահից...»: «Յեղի յախտենական գէնքը» յօդուածում յետեւում է մի պատասխան, որը նրա գաղափարախօսութեան հիմնաքարերից մեկն է. «- Յեղը, միայն ցեղը» (Հ, էջ 535): Այդ գործում դիմելով հայ երիտասարդութեանը, հարցնում է, թէ նա դիւցազնական սերունդ **պիտի դառնա՞յ** եւ **պիտի կարողանա՞յ** փրկել մեր ժողովրդի ապագան. Վստահութիւն ներշնչելով՝ պատասխանում է. «Յանկութեան դեպքում՝ ԱՅՈ՞» (Հ, էջ 142):

Մտքի կարեւորութիւնն ընդգծելու համար տալիս է մի փունջ հարցեր՝ մեկ ընդհանուր պատասխանով՝ գաղափարական հիմնաքարերից եւս մէկով: Յաջորդող հարցախումբը ընդգծում է յետեւեալ մտքի կարեւորութիւնը: «**Ինքնապաշտպանութիւնը հայ ժողովրդի** - ահա Հայ եկեղեցւոյ նոր հաւատամքը: **Չընդունե՞ց** այս ճշմարտութիւնը, **չքարոզե՞ց, չտարածե՞ց** ամէն օր այս փրկարար գաղափարը, իր բոլոր միջոցներով **չնպաստե՞ց** մեր ինքնապաշտպանութեան գործին - **կործանուած է դա**» (Հ, էջ 66):

Երբ հարցը պահանջում է հանգամանալից պատասխան, տրւում են բացատրութիւններ՝ արդէն ո՛չ մէկ բառով կամ նախադասութեամբ: «**Որդիների** պայքարը հայրերի դէմ» գրքում հեղինակը հարցնում է մարդկային տառապանքի պատճառը, որին յաջորդում է մանրամասն պատասխան. «**Ինչո՞ւ, ինչո՞ւ այդպէս: Ինչո՞ւ կը տառապի** մարդկային ցեղը: - **Որովհետեւ միամիտ**

մարդը, իրենից, իր հոգուց դուրս փնտռեց եւ կը փնտռի երջանկությունը: Որովհետեւ նիպականացած մարդը չճանաչեց ճշմարիտ երջանկությունը...» (Հ, էջ 93):

Այլ դեպքերում, հարցախումբն առաջ քաշելով, Նժդեհը իւրաքանչիւր հարցում մատնանշում է հասարակական կեանքի մի կողմը եւ պատասխանելով հարցերին առանձին-առանձին, վեր հանելով հետեւանքները՝ իր ժխտողական վերաբերմունքն է արտայայտում իրականությանն պատկերի վերաբերեալ: Այսպէս է «Խօսակցութիւն մը գորավար Գ. Նժդեհի հետ» աշխատութեան «Ընտրանի» ենթագլխում, որտեղ բնորոշում է ժողովրդի ընտրանուն եւ պարզաբանում նրա դերակատարութիւնը, նրա վարքի հետեւանքները. «Կրօնապէս պա՛ղ է եկեղեցականը՝ հակակրօն է ժողովուրդը: Հոգեպէս Էսնա՛Ֆ է ուսուցիչը, այլեւս կարիք չկա՛յ աւելի մեծ դժբախտութիւն բաղձալ նրա ազգին: Յափտենականի շունչից զո՛րկ է գրողը՝ նա անխուսափելիօրէն պիտի դառնայ ստորնութեան քարոզիչը: Պարտուողակա՛ն է զինուորը՝ այլեւս նա հեռացած է իր...հայրենիքից...Շահաւէ՛ր է ազգային գործիչը՝ նուազ ազգասիրութիւն ու նուիրում փնտռէ՛ք ազգի լայն խաւերի մէջ: ...ընտրանին... Շեղուե՛ց իր կոչումէն - ժողովրդի անկումը դառնում է անխուսափելի» (Հ, էջ 650): «Ինչո՞ւ տարօնականութիւն», (Հ, էջ 537-552) սա հարց-վերնագիր է: Պատասխանը մի ամբողջ յօդուած է, որի էութիւնը յետեւեալն է: Տարօն աշխարհը Հայաստանի սիրտն է, այստեղից է ծագել մեր մշակոյթի հիմքերի հիմքը՝ հայոց այբուբենը, հայրենիքին ու հաւատին անձնուրաց նուիրուելու «Վարդանանց ուխտը»: Մամիկոնեան տոհմին յետեւելով՝ ցեղի արթնութեամբ կփրկուի հայ ժողովուրդը:

գ. Հարց՝ ի պատասխան հարցին: Տրւում է հարցը: Ենթադրւում են երբեմն այլընտրանք չունեցող կամ հնարաւոր պատասխանները, որոնք թուարկւում են հարցերի տեսքով: Սրանց յետեւում են հեղինակի պատասխանները, բացատրութիւնները: Խօսքային իրավիճակը տրամաբանական զարգացման մէջ է. դիմացինին հեղինակը ոչ մի հնարաւորութիւն չի թողնում: 1921թ. փոխվարչապետ Ա. Հովհաննիսյանը թուրք քոչվորներին է վաճառել Սիսիանի արտաւալայրերը: Այս կապակցութեամբ ՀՅԴ Գերագոյն դատական ատենանին ուղղած բացատրագրում Նժդեհը վերլուծում է իրավիճակը. «Որպէս ի՞նչ էր հիսուն միլիոն ռուբլի հայկական չեկերով ծախսում այդ շրջանը: Ծակա՛տ: Դա դաւաճանութիւն կլինէր: Արտատեղիներ՝ – այդ դեպքում հարկաւոր էր հարցնել Սիսիանի ժողովրդին, որովհետեւ ամբողջ երեք տարի նա այդ արտատեղիի, ճակատի համար էր կռուել»⁴, «Ի՞նչը հայերիս դարձրեց յաղթական Սարդաբադում եւ Ղարաքիլիսում...», - հարցնում է Նժդեհին

4 ՀՅԴ ԿԱ, Դատական գործ 9698, թթ. 213-230:

իր «Մեռնելու կամք» յողուածում եւ ապա տալիս հարցեր, որոնք կարող էին միայն անհիմն հիմնադրումներ մատնանշել, - «...**չգոյ թի՛ւր, սպառազինութի՛ւնը, կռի հանճարեղ յատակագի՛ծը**», - ապա պատասխանում է, - «վճռապէս ո՛չ, ո՛չ մէկը եւ ո՛չ էլ միւսը, այլ՝ մեր ուխտը, մեր կամքը՝ մեռնել, բայց թուրքը չտեսնել Էջմիածնում, Երեւանում» (Հ, էջ 558): Հիմնական հարցին ի պատասխան տրուող հարցերով ու վերջիններիս յաջորդող բացատրութիւններով է կատարում 1921 թ. մայիս-հունիս ամիսներին Լեռնահայաստանում հաստատուած հայկական զօրամասերում տիրող իրավիճակը: Բոլշեւիկները ներում են շնորհել Երեւանից արտասահման հեռացածներին՝ վերադարձի համար ստեղծելով բարենպաստ պայմաններ. **«Ինչպիսի՞ տպաւորութիւն կարող են թողնել** այդ բովանդակութեան **նամակները** մի զօրամասի վրայ, որը բոլշեւիկների հալածանքներից էր փախել Երեւանի շրջանից: **Չէ՞ որ այժմ վերանում են** նրա վերադառնալու երկիւղի բոլոր պատճառները... **Ո՞ւմ համար նա պիտի կռուի, Երեւանը գրաւելու համար:** Առանց կռուի էլ՝ նրան թոյլ են տալիս այնտեղ գնալու: **ՀՀ կառավարութեա՞ն համար:** Դրա մեծ մասը վաղուց է թողել իրեն եւ օր առաջ անցել Թաւրիզ: **Լեռնահայաստանի՞** համար: Բայց դա իր հայրենիքը չէ, եւ ոչ մի բանով կապուած չէ նրա հետ»⁵: Եւ մի վերջին դէպքում էլ հեղինակի ներկայացրած հարցափնջին եւ ի պատասխան առաջ քաշուած հարցերին պատասխանում է դիմացինը: Եւ որովհետեւ պատասխանը թերի է կամ սխալ, պահանջում են հեղինակային բացատրութիւններ. **«Իսկապէս, ինչո՞ւ պարտուեց** եւ բարեկամներից լքեց **հայ ժողովուրդը: Ո՞վ է մեղաւոր,** երկրի **աշխարհագրական դի՛րքը**, քրիստոնէական **Եւրոպա՞ն**, մահմեդական **Ասիա՞ն**, **ճակատագի՞րը:** - Բոլորը՝ բացի մեզնից,- այսպէս կը տրամաբանէ մեր անուղղայ քաղքենիամտութիւնը» (Հ, էջ 58):

Եւ այսպիսով, խօսքը շարադրում է հարցական եղանակով. առաջ են քաշում հարցեր, որոնք հռետորական են եւ պատասխաններ չեն ակնկալում կամ հարցեր, որոնց յետեւում են հեղինակի կամ դիմացինի պատասխանները, ինչպէս եւ հարցեր, որոնց ի պատասխան տրւում են այլ հարցեր՝ վեր հանելով հնարաւոր պատասխանները:

Տրամադրութիւններ, հոգեվիճակներ: Նախորդ երկու ենթակէտում շարադրուեց, որ Գ. Նժդեհը հարցախմբերի միջոցով ներկայացնում է գաղափարախօսութեան հիմնադրոյթներ, վերլուծում հասարակական իրավիճակներ, պարզաբանում երեւոյթների, այս կամ այն վարքի պատճառներն ու յետեւանքները: Այդ ամէնի հետ միատեղ նա ներկայացնում է նաեւ տրամադրութիւններ, հոգեվիճակներ՝ անհատի (նաեւ սեփական), հասարակական խաւերի, մամուլի, երիտասարդութեան կամ ողջ հայութեան: Կանգ առնենք

⁵ ՀՅՒ ԿԱ, Դատական գործ 9698, թթ. 109-162:

առաել տարածուած տրամադրութիւնների վրայ առանձին-առանձին: Բաժանումն ըստ ենթակէտերի, այստեղ հարաբերական է, քանի որ տրամադրութիւններն անխառն չեն հանդիպում: Ուստի հընթացս, առիթը ներկայանալիս կանդրադառնանք եւ այլ տրամադրութիւնների, զգացումների, իրավիճակների:

ա. Երկընտրանք-այլընտրանք: Մեծ անհատների երկընտրանքն աղերսում է հասարակական կեանքի հետ: Նժդեհն, ահա, գնահատում է մի այդպիսի անհատի՝ Աւետիս Ահարոնեանի գործունեութիւնը, դրուատում նրան, որովհետեւ մնաց իր ժողովրդի հետ եւ իր գրականութեամբ ծառայեց ժողովրդին: Զուգայեռ է անցկացում Ահարոնեանի եւ Մովսէսի միջեւ. «Մովսէսը երկընտրանքի առջեւ... Ո՛ր գնալ, դէպի ժողովուրդը եւ նրա հետ դէպի Անապատ, թէ՛ մնալ Փարաւոնի անդորրաւետ ապարանքում» (Հ, էջ 148): «Էջեր իմ օրագրէն» աշխատութեան մէջ երկընտրանք է առաջադրում հայկական թերթերին. «...կարո՞ղ են հայրենասիրութիւն դաստիարակել, այդ դէպքում... յուսալի է մեր ապագան: **Չէ՞ն կարող** - թող դադարեն թուղթ սեւացնելուց» (Հ, էջ 35): Երկընտրանք է առաջարկում նաեւ հայ երիտասարդութեանը. *սլիտի կարողանա՞լ* կենդանի սուր լինել հայրենիքի համար. «*սլիտի չկարողանա՞լ*, - ի գո՛ր է ապրում: «Ցե՞ղ, թէ՛ կուսակցութիւն» երկընտրանքային վերնագիր մի ամբողջ յօդուածի. *ցեղ՝* բոլոր ժամանակների ու սերունդների հավաքականութեան ըմբռնում, որ տանում է հայրենիքը համընդհանուր հաղթանակների եւ՝ *կուսակցութիւն*. ժամանակի իրավիճակով պայմանաւորուած հաւաքականութիւն, որն յետաքրքրուած է խմբակցային շահերով (Հ, էջ 630-633):

բ. Դիմում: Անհատին, հասարակութեան մի հատուածին, երիտասարդութեանը, ժողովրդին ուղղուած հռետորական դիմումներն ուղեկցում են հարցերով, մեծ մասամբ՝ հռետորական հարցերով: Իսկ դիմումների առիթները բազմազան են՝ դատաւարտող, սթափեցնող, յուզառատ, մի բանի վրայ ուշադրութիւն հրաւիրող, պարտաւորեցնող... Անհատներից յիշատակենք երկուսին: Տարբեր նկատառումներով հեղինակը դիմում է անցորդին: *Դաշնակցութեան պանթեոնը* արծակ բանաստեղծութիւնների շարքում նկարագրում է Հրանտի գերեզմանը. «Նա, անցորդ, այս գեղատիտուր հողաթմբի տակ հող դարձող պատանին, սիրում էր ե՛լ լեռները... ե՛լ երգն անխօս ոսկեշող աստղերի ...», - ապա դիմում անցորդին, - «**Դու լալի՞ս ես**, անցորդ...

հռետորական կոչով. «Անցո՛րդ, ասա՛, **հեռո՛ւ է այդ օրը**: Բաբէ՛, **դու լալի՞ս ես, դու զինաթա՞փ ես...** Ի մա՛րտ, անցո՛րդ, ի մա՛րտ...» (Հ, էջ 407):

Պատմական, իրական անձերից, որոնց հռետորական հարցերով դիմել է Նժդեհը, հիշատակենք Գեդեոն Տեր-Մինասեանին: «Իմ պատասխանը» հուշագրության ենթագլուխներից մեկը հեռակայ դատ է մի մարդու, որը ժամանակին Լեռնահայաստանում կռուել է Նժդեհի հետ, իսկ արտասահմանում, եկամտաբեր պաշտոն ստանալով բոլշեիկներից, «Յուշեր անցեալից» յօդուածաշարով հանդես է եկել իր կեանքը փրկողի անուանարկմամբ: Յամառոտակի մեջբերենք այդ հարցաշարը: «...Գեդեոն...**Չգիտէի՞ր, յիմա՛ր**, որ քո ստության ետեւէն ճշմարտութիւնը կը հասնէր կրնկակոխ... **Գոհ չե՞ս**, որ իմ վարած կռիւների շնորհիւ միայն Միւնիքն այսօր կազմում է մայր երկրի անբաժան մասը: **Չե՞ս ընդունում**, որ հայ բոլշեիկն իսկ կարող է գարշել ապսպրանքով իմ դէմ թխածո տողերէն» (Հ, էջ 283):

«Ինչո՞ւ տարօնականութիւն» բացատրական յօդուածը հեռակայ խօսակցութիւն է Նժդեհի եւ «Նոր օր» պարբերականի խմբագրակազմի միջեւ: Մի շարք հռետորական հարցերից հետո նա հարցերով դիմում է նաեւ խմբագրության անդամներին. «**Չե՞ք լսում** յուսահատ ճիչերը, թէ դժուար է օտարության մէջ հայը հայ պահել... **Կ'ուզէի՞ք**, որ եկող մեծ օրերը իրենց առջեւ գտնէին... անգոր - մի պզտիկ սերունդ» (Հ, էջ 541-542):

1920 թ. սեպտեմբերի 15-ի նախատալից հրամանը թշնամուն յանձնուելու կապակցութեամբ Նժդեհի դիմումներից մեկն է հասարակութեան մի հատուածին՝ ղափանցիներին. «...բայց **գիտե՞ս**, Ղափա՛ն, թէ որքան ուժեղ է նա (թշնամին /հեղ. հեղ./) ատում եւ արհամարհում քեզ... **Գիտակցո՞ւմ ես, չափո՞ւմ** կատարածդ տմարդութեան անչափելի մեծութիւնը» (Հ, էջ 424): 1920 թվականի սեպտեմբերի 17-ի կոչում հանդիմանական, հիշողութիւն արթնացնող հարցերով դիմում է Ղափանի ժողովրդին (Հ, էջ 424-426):

«Որդիների պայքարը հայրերի դէմ» աշխատութեան մէջ, որն ամբողջովին վերցրած, հանդիպում է հեղինակի եւ նոր սերնդի միջեւ, ահա ինչպիսին է դիմումը հայ երիտասարդութեանը. «Հա՛յ երիտասարդութիւն, վաղը, երբ թրքութիւնը փորձեց պղծել Հայրենիքիդ սահմանների սրբութիւնը, **պիտ կարողանա՞ս** աւելի սարսափելի լինել, քան թշնամին: **Պիտ կարողանա՞ս** վագրային կեցւածք ցուցադրել: Պատասխանի՛ր, **պիտ կարողանա՞ս...**» (Հ, էջ 132):

Այս ամենի հետ մեկտեղ Նժդեհի մշտական խօսակիցը, գրեթէ գրչընկերը, ուղղակի թէ անուղղակի, ընթերցողն է, որի հետ կիսում է իր մտքերը, տրամադրութիւնները, ձգտումները, զգացմունքները՝ դիմելով ամենատարբեր՝ ուշադրութիւն հրաւիրող, պարզաբանող, յիշեցնող, պթափեցնող, ցուցական եւ

այլ կարգի հարցերով: Վերցնենք, թեկուզ, «Բանտային գրառումներ» աշխատությունը, որը այլեւայլ բնագաւառների քննություն լինելով հանդերձ, գրույց է իր հեռակայ խօսակցի հետ, որին մերթ դիմում է եզակի, մերթ յոգնակի (*գիտե՞ս... գիտե՞ք...*), մերթ՝ *ընթերցող, բարեկամ, անցորդ...*: Ի՞նչ ասել կուզի, այսպիսի գրելաձեւը մտերմիկ է, կապը՝ երկկողմանի:

գ. Տարակուսանք: Որքան տարածուած, որքան շատ են թիւր գաղափարների, ըմբռնումների հարցադրումները, այնքան մեծ է տարակուսանքը, մեծ է հարցախումբը: Իւրաքանչիւր հարց-տարակուսանքի հետ մէկտեղ ժխտումն է թիւր մի հարցադրման: Մի այսպիսի հարցափունջ «Էջեր իմ օրագրէն» աշխատությունից՝ տպագրուած 1924 թ., հակադրությունն է աշխարհաքաղաքացիութեան, սեփական ազգերի շահերը մարդկութեան շահերին ստորադասելու գաղափարական ըմբռնումների: Մէջբերենք այդ հարցափունջը. «**Մերը պիտի չսիրե՞լ, որովհետեւ պէտք է սիրել եւ օտարի՞նք:** Մի մասը պիտի չսիրե՞լ, որովհետեւ սիրում ենք ամբողջութիւնը: Անհեթեթութիւն չէ՞ դա: Իսկ եթե բոլորն էլ, ի դժբախտութիւն աշխարհի, դադարէին իրենց ազգը սիրելուց, կը շահե՞ր մարդկութիւնը: Եւ ինչո՞ւ միայն մե՞ր ազգը չսիրել, ինչո՞ւ միայն մերի՞ն չօգնել, չէ՞ որ դա էլ մի մասն է կազմում մարդկային ցեղի» (Հ, էջ 31): Հիրաւի, ինչո՞ւ մենք՝ հայերս, պիտի լինեինք առաջինը, աւելի ճիշտ՝ միակը, որպէսզի, երբ ուրիշները տարածքներ էին շահում, մենք կորցնեինք յանուն այն գաղափարի, թէ «միեւնոյնն է, շուտով սահմանները վերանալու են»... Մի հարցափունջ էլ 1927 թ. տպագրուած «Որդիների պայքարը հայրերի դէմ» աշխատությունից՝ հայ-թուրքական յարաբերութիւնների վերաբերեալ, որ նոյնքան արդիական է եւ նոյն ուժգնութեամբ հնչում է այսօր՝ գրեթէ 90 տարի անց. «...յաղթականի իրաւունքն է՝ զրկել պարտաւորին փոխալրէժի դիմելու, ինձ վնասելու հնարաւորութիւնից: Եթէ դարաւոր թշնամիդ այսպէ՛ս խօսեց քեզ հետ: Եւ կարիք կա՞յ խօսքի՝ թրքութիւնը ճանաչելու համար: Մի՞թէ խօսուն եւ հասկանալի չէ նրա հայադաւ լռութիւնը: Միջազգային բարոյականը: Բայց այդ երբանի՞ց է, որ գոյութիւն ունի դա: Արեւելքի խուժն ու ստրո՞կը, հակաբարոյական թուրքն ու հայ պարտողականը՝ հիմքը պիտի դնեն ցեղամիջեան բարոյականութեան» (Հ, էջ 136): Այժմ էլ նոյն տարակուսանքը, զայրոյթախառն նոյն տարակուսանքն է հնչում ի պատասխան այն տրամադրութիւնների, թէ՛ «Այժմեան թուրքը նոյն թուրքը չէ»:

դ. Զայրոյթ: Գարեգին Նժդեհին արդարացի զայրոյթ ապրելու պատճառներ շատ ունեցաւ: Կուսակիցները (մասնաւորապէս՝ Ռուբէն Տէր-Մինասեանը) դաւեցին նրան եւ խոչընդոտեցին ցեղակրօնութեան շարժմանը, գաղութահայութեան որոշ տարրեր շարունակ զրպարտեցին եւ անուանարկեցին նրան, եղան մարդիկ, ինչպէս նշուեց, (օրինակ Գեղեօն Տէր-Մինասեան

նը), երախտապարտ լինելու փոխարեն, սեփական շահից ելնելով, թշնամիներ դարձան, պաշտպանեալ Լեռնահայաստանի որոշ գիւղեր, ենթարկվելով քարոզչությանը, հակառակորդի կողմն անցան, զինուորական նախարարին ուղղուած օգնութեան դիմումներն անպատասխան մնացին, փոխվարչապետ Արշակ Հովհաննիսեանը վնասարար կերպով միջամտում էր ռազմական հարցերին եւ այլն, եւ այլն, եւ այլն ... Այս ամէնը պակաս անհատական եւ շատ աւելի հասարակական, ապա նաեւ պետական նշանակութիւն ունեցող հանգամանքներ էին, ուստի դրանց դէմ պետք էր պայքարել գրչով՝ հրապարակաւ, եւ Նժդեհի զայրոյթի, նախատինքով ու դառնութեամբ խառն զայրոյթի կայծերը թափոււմ էին մեղապարտների գլուխներին: Այստեղ մեր խնդիրը նշուած հարաբերութիւնների վերլուծութիւնը չէ, այլ՝ թէ ինչպէս էին հարցերը, մասնաւորապէս հռետորական հարցերը, դառնում զայրոյթ արտայայտելու միջոց: Եւ այս առումով դասական նմուշ է Նժդեհի «Բաց նամակ Մայքլ Արլէին» հրապարակախօսական յօդուածը: Սկզբից մինչեւ վերջ յօդուածը հնչում է զայրացկոտ, դատապարտող հարցերը յաջորդում են միմեանց: Խնդրի բերումով մեզ առանձնակի կարող է զբաղեցնել նամակի Զ. մասը: Այստեղ մերթ անմիջաբար, մերթ փոքր ընդմիջումներով, իրար են յաջորդում քսանի չափ հարցեր: Մայքլ Արլէնը միակ պատմական անձն է, որին միանգամից այսքան շատ եւ ամոթաբեր հարցեր է ուղղում Նժդեհը: Որպէս արդիւնք՝ ընթերցողի առջեւ է կանգնում գրողի ոչ բարոյական մի կերպար, որովհետեւ իւրաքանչիւր յուզախառով հարցական ի ցոյց է դնում միաժամանակ մի յատկանիշ, մի դիմագիծ՝ հայածին, բայց հայատեաց, ցեղի դասալիք, բայց դատաւոր, «գրչի կուրտիզանութեամբ» զբաղվող մէկի: Բայց ահա այդ հարցերը.

«Դուք գիտե՞ք հայ գրողի ճակատագիրը... մեռնել զրկանքների մէջ: Դուք գիտե՞ք այդ... Ի՞նչ, արդա՞ր է, որ նման մէկը... օտար մամուլի մէջ իր ազգը կենդանի մեռնալ հռչակէ: Դասալիքը դատաւորի դերո՞ւմ... Մի՞թէ եօթնիցս զգուելի չէ՞ հայրենիքի զգացումէն ու պաշտամունքէն զուրկ անհատը: ...Չգիտե՞ք, որ ... ձեր տողերը կարող են արդարացնել ու սնուցանել օտար ժողովուրդների արհամարհանքը դէպի հայ անունն ու դատը: ...Չգիտե՞ք, որ... կարող են ինքնամուստատացումի մղել... հայութիւնը, ...ինչո՞ւ էք ուզում խախտել հայութեան հաւատքը դէպի իր ապագան: Տմարդութիւն չէ՞ փողոցի լեզուով խօսիլ... մի բուռ ժողովուրդի մասին: Ինչո՞ւ էք ուզում փութացնել նրա յոյսերի մահը... Ի՞նչ, դրանո՞ւմ է գրչի մարդու կոչումը: Տաղանդը տրոււմ է նրանով կուրտիզանութի՞ւն անելու, զայն հարստութեան ու հանգստի վերածելո՞ւ համար: ...Միայն նա՛ է ճշմարտօրէն մեծը, որը մեծ զաւակ է նախ իր ժողովրդի, եւ ապա՝ մարդկութեան: Իսկ դո՞ւք. ինչի՞ կը ծառայեցնէք ձեզ տրուած տաղանդը: ...Ինչպէ՞ս թիկունք ցոյց տուիք ձեր ցեղի գողգոթային:

Ինչո՞ւ չուզեցիր, հրեայ օտարալեզու գրողների պես, **լինել նախ ձեր ցեղի տաղանդաւոր զաւակը:** **Դժո՞ւար է:** **Ծա՞նր է հայ խօսքի խաչը: ...Բայց չէ՞ որ** հէնց այդ **ծանր խաչը** սիրով **կրելու մէջ** է ճշմարիտ **մեծութիւնը:** Սակայն, **ինչո՞ւ կ'երկարեմ, ...Չէ՞ որ դուք սկսել էք ամաչել ձեր ծագումից:** **Այո՞:** Ուրեմն, գրչի **կոկետտութիւն չէ՞ ձեր չանգռածը Հայաստանի մասին»** (Հ, էջ 471-473):

Այլ են գայրոյթի շարժառիթները Լեւոնահայաստանի արեւմտեան ճակատի հրամանատար Կոռոյի հետ կապուած, եւ այլ՝ հարցերի նպատակը: Կոռոն 400 կարմիր գերիների, իրենց զենքով, թոյլ է տալիս սփնեցիների հետ կռուել նախկին իւրայինների դէմ: Սկսում է կործանարար ներքին քարոզչութիւն: Հայաստանի Հանրապետութեան նախարարական խորհրդին ուղարկած բացատրագրերում իրար յաջորդող հարցերով ցոյց են տրուում կատարուածի անխոհեմութիւնը եւ ակնկալուող յետեւանքները. «**Ո՞վ եւ ո՞րտեղ է տեսնուած,** որ քաղաքացիական կռուի ժամանակ թշնամուց **գերի վերցրած զօրամասերն** օգտագործելու նպատակով իսկոյն եւեթ **մտցնէ** առանց այն էլ **հոգով վարակած իր զօրաշարքերի մէջ:** **Մի՞թէ** այդ ճակատում մենք այնքան քիչ զինուոր ունէինք... **Մի՞թէ այդ անհեռատես... քայլը չէ՞, որ պատճառ դարձաւ** Լեւոնահայաստանի համար **անելանելի վիճակ ստեղծելուն»**⁶: Իսկ Հայաստանի պառլամենտի անդամներին 1920 թ. հոկտեմբերի 23-ին հասցեագրուած դիմումն ուղղակի բողոքի ճիչ է՝ խառն տարակուսանքի հետ: Յաջորդաբար տրուող հռետորական հարցերը ներկայացնում են, թէ ինչ ծանրաւոր իրաւիճակում է շարունակում կռուել Նժդեհը. «**Այլեւս ինչո՞ւ եմ կռում,** երբ ստիւած պիտի լինեմ վերցրածս գերիներին բաց թողնելու: Այդպիսի **գերողութեզական դրութեան մէջ կարելի՞ է դնել մի ղեկավարի,** ... որը արին է թքում... **Մինչեւ ե՞րբ,** ընկերներ, **մինչեւ ե՞րբ ես յաղթեմ,** բայց եւ այնպէս **ինձ պարտուած զգամ:** **Մինչեւ ե՞րբ** ռազմամթերք... աղաղակեմ, եւ Երեւանի սպանիչ լռութիւնը լինի ինձ պատասխան: **Մինչեւ ե՞րբ...**»⁷:

Ե. Նախատինք: Յաճախակի հանդիպող տրամադրութիւններից է: Հարցերն ի ցոյց են հանում իրականութեան կողմեր, որոնք չպետք է լինէին, յատկութիւններ, որոնք իրենց գործունեութեամբ հասարակութեանը յայտնի մարդիկ չպետք է ունենային, վարք, որ դատապարտելի է, բայց առկայ է: Նժդեհը նախատինքով դիմում է այն հայերին, որոնք ազատ երկրներում շարունակում են թրքախօս մնալ՝ հարցնելով. «**Օտա՞րն է մեղաւոր»** (Հ, էջ 445): Հարցի պատասխանն ակնհայտ է՝ իհարկէ, ո՛չ: Երախտամոռ մարդիկ յաճախ են եղել հեղինակի շրջապատում: Դրանցից մէկին՝ Գեղեոն Տէր-Մինասեանին, որի կեանքը փրկել էր, «Իմ պատասխանը» յուշագրութեան մէջ դառնութեամբ

⁶ ՀՅԴ ԿԱ, Դատական գործ 9698, թթ. 109-162:

⁷ ՀՀ ՊԱ, ֆ. 198, ց. 1. գ. 73, թ. 1:

ու հանդիմանանքով հարցնում է. «**Մոռացա՞ր**, որ անարժեք կաշիդ փրկելու համար... անցար Պարսկաստան» (Հ, էջ 284):

Ծանր նախատինքի եօթ հարց է հնչում յաջորդաբար «Էջեր Լեռնահայաստանի գոյամարտի» յուշագրության մեջ՝ ուղղում «ապերախտ ժողովուրդ»-ին: Մի շարք գիտեր ու Ղափանն ամօթալի կերպով յանձնուել են թշնամուն: Գոյամարտող զորամասերը քաշուել են Խուսաուփ լեռը: Ադրբեջանը երեք մլն. է խոստացել Նժդեհի գլխի համար, եւ լրտեսները փնտրում են նրան: 1920 թ. սեպտեմբերի 17-ի կոչում իւրաքանչիւր հարց արում է՝ արթնացնելու բնակչության մշուշում հիշողութիւնը, իւրաքանչիւր հարց մի խղճի խայթոց է. «... դու կանչեցիր ինձ եւ ես հասա... ասա՛, ժողովուրդ, այն օրէն քո երկրում **մնա՞ց** մի բարձունք, մի քար, որի վրայ դրած չլինէի իմ հոգնած գլուխը: Ասա՛, դու ինձ **տեսե՞՛ր ես** մի օր, մի ժամ անհոգս... դու ինձ **տեսե՞՛ր ես** փափուկ տեղաշորում, հարուստ սեղանների շուրջը: Դու **լսո՞ւմ ես**, քարերը, քարերը կաղաղակէն, կասէն՝ ո՛չ: Ասա՛, **մնա՞ց մի բան**, որ խնայէի, չզոհաբերէի քո ազատության... համար: ...**Ի՞նչ, մոռացա՞ր** իշխան Ղաշարին, որի զօրքերին պատերի տակից եմ քշել: Վա՛յ քեզ, ժողովուրդ, **ի՞նչ պատասխան պիտի տաս Աստծուդ**, խղճիդ, պատմութեանը»⁸:

գ. Անորոշութիւն: Թերեւս երբեք այնքան հարցականներ չեն ծագում, որքան անորոշութեան մէջ լինելիս: Պահանջ է առաջանում պարզելու, թէ *ի՞նչո՞ւ է* կատարուել փաստը, *ե՞րբ, ո՞վ է մեղաւոր*, *ի՞նչ հետեւանքներ են լինելու*, վերջապէս, թէ *ի՞նչ պէտք է անել*: Մի այսպիսի իրավիճակ է պատմւում «Ազատ Սիւնիք» յուշագրության մէջ: Ախտայի զօրամասը նահանջել է՝ առանց այդ մասին նախապէս տեղեկացնելու միւս զօրամասերին: Ծակատում շփոթ է: Հարցերով ներկայացւում է դրութեան անորոշութիւնը. «... այժմ Նոր Բայազետի հրամանատարութիւնը չգիտէր՝ **ե՞րբ եւ ինչո՞ւ է նահանջել** Ախտայի զօրամասը՝ թշնամու **ճնշմա՞ն տակ, թե՛ տակտիկական նկատառումներով** է յետ քաշուել, **ո՞ր է կանգ առնելու**՝ դիմադրութիւն ցոյց տալու համար: **Ի՞նչ անել**» (ԱՍ):

1920 թ. օգոստոսի 10-ին Նժդեհը ստանում է զինուորական նախարարի յանկարծական, պարզաբանումներ չպարունակող գրութիւնը, որով հանձնարարում է, համաձայն կնքում զինադադարի, թողնել Զանգեզուրը եւ անցնել *մեր տարածք*: Դրութիւնն աւելի քան տարակուսելի է: Այդ կերպ ոչ միայն Զանգեզուրն էր յանձնում կարմիրներին, այլեւ՝ Արարատեան Հայաստանը: Յետեւում է Նժդեհի գրութիւնը զինուորական նախարարին եւ գեներալ Նազարբեկովին՝ մեջբերում «Հայ-բոլշեւիկեան կռիւները» յուշագրութեան մէջ:

8 Գ. Նժդեհ, *Էջեր Լեռնահայաստանի գոյամարտից*, «Հայրենիք» ամսագիր, թիւ 2, Սօփիա, 1923 թ.:

Հարցերն ուշադրություն են հրաւիրում, թէ *ինչպէ՞ս կարելի է գործել* մի այսպիսի անորոշ իրավիճակում, երբ՝ «Ես չգիտեմ, թէ՝ 1. **Ի՞նչ պայմաններով, ո՞ւմ հետ (Աղբբէջանի՞, թէ՞ սովետական Ռուսաստանի)** եւ որքա՞ն ժամանակով է կնքւած զինադադարը, 2.... Եթէ իմ ոյժերը պէտք է թողնեն իրենց երկիրը... ապա բոլշեիկները եւ աղբբէջանական **բանդաները ե՞րբ եւ ո՞ւր են քաշելու**: 3. **Ի՞նչ է լինելու Գողթանի դրությունը...** 4. **Չե՞ք կասկածում**, որ թշնամին կարող է... տէր դառնալ Կապարգողթի ապստամբ շրջաններին: 5. **...Չե՞ք ենթադրում**, որ այդ ոյժերը հեշտութեամբ կարող են տէր դառնալ Երեսանին: **Սա ի՞նչ զինադադար է**, որի ժամանակ բոլշեիկները շարունակում են իրենց շահատակությունները...»⁹:

Է. Խոհականություն: Մէկ այլ կարգի հարցախմբեր էլ մղում են ընթերցողին՝ խորհելու, վերլուծելու իրականությունը: Իսկ իրականությունը բազմակողմանի է, վերլուծությունն էլ՝ տարբեր ուղղութեան՝ քաղաքական, հայրենապաշտական, անհատական-ներհայեցողական, հոգեբանական, մարդկութեան ապագայի հետ կապուած... 1920-1940 թթ. տասնամեակներում տարապատկեր ու հակասական էր հայ հասարակական կեանքը: Արեւմտահայությունը, հնարատրինա խուսափելով թուրքական ջարդարար քաղաքականությունից, ցրուել էր աշխարհով մէկ ու ստուարացրել գաղութները՝ իր հետ տանելով ընկճութիւն, յուսալքություն. Արեւելեան Հայաստանը խորհրդայնացուել էր, ապրում էր մի դեռեւս չտեսնուած իրաւակարգում՝ հակաազգայնական կողմնորոշումով ու բռնաճնշումներով, սակայն արտաքին վտանգից ապահով: Քաղաքական որոշ ոյժեր հայութեան մէջ քարոզում էին հակաազգայնականություն, պարտուողականություն, ընդիույ մինչեւ թրքասիրություն: Այլ ոյժեր՝ հայրենասիրություն եւ ազգասիրություն, գոտեպնդում ու հոգեբանական յարություն էին ներշնչում ժողովրդին: Մարդկությունը քաղաքական ցնցումներ էր ապրում: Զգացում էր պատերազմի մօտալուտ լինելը: Այսպիսի տարիների է Նժդեհը հանդես եկել իր հասարակական-քաղաքական վերլուծական աշխատություններով ու հրապարակախօսական յօդուածներով: Նա տազնապում էր սեփական ժողովրդի համար, հեռուում մնացած հայրենիքի համար, հայրենամոռացութեան պատճառով: Իր հռետորական հարցերը նախ այս ամենի շուրջն էին ու մղում էին ընթերցողին հեղինակի հետ մեկտեղ մտածելու. «**Ո՞վ է ստիպում մեզ՝ չլինել հայրենապաշտ**: **Ո՞վ կարող է խլել մեզնից անկախ հայրենիքի սրբազան գաղափարը**: **Ո՞վ կարող է ինքնանուստացումի զոհ դարձնել մեզ...** **Ո՞վ եւ ի՞նչը**, վերջապէս, կարող է **արգելել** բոլորին եւ ամէն մէկին՝ իրենց կեանքի գերագոյն հարցը դարձնելու... թէ «**Ի՞նչ ձեռով կարող եմ էլ աւելի օգտակար լինել Հայրենիքիս**»: **Կա՞յ,**

9 «Հայրենիք» ամսագիր, հոկտեմբեր-նոյեմբեր, 1923 թ.:

մեզնից դուրս **գոյություն ունի՝ այդ սեւ ոյժը...**»-չկա՛յ մեզնից դուրս, կա՛յ մեր հոգու մէջ» (Հ, էջ 445-446):

Ուծացումը գաղութներում, ռուսացումը հայրենիքում, հայության հատուածականությունն ու անմիաբանությունը, պետությունների բախման ահագնացող վտանգը, (եւ այս ամէնը այնպիսի պատմական պայմաններում, երբ ժողովուրդները ձգտում են ինքնավերանորոգման, համախմբման՝ պահանջելու իրենցից խլած իրաւունքները), Նժդեհին ներշնչում են խօսելու հայ հասարակութեան հետ՝ նրան մղելով կշռադատման ու վերլուծութեան: Ահա ինչպիսին է «Յեղի յախտենական գէնքը» յօդուածի բնաբանը. «Ես հարցնում եմ այնպէս, ինչպէս ո՛չ ոք դեռ չէ հարցրել - **ո՞ր ենք գնում: Մեզ համար տեղ կա՞յ պատմութեան մէջ: Գիտե՞՞ մէկը, որ բոլորովին մենակ ենք մնացել, որ ներկայ չունենք: Գիտե՞՞ մէկը, որ եթէ դադարենք գոյություն ունենալէ՝ տիեզերաշէնքի մէջ մի հատիկ հիպէ իսկ պիտի չշարժի**» (Հ, էջ 525): Այսպիսի հարցախմբերից հետո վերլուծութիւնն ընթանում է տարօժականութեան, ցեղի, ոգու շուրջ:

Եղեռնից մագապուրծ հին սերունդը հոգեկան ընկճախտի մէջ է, անընդունակ նոր շարժի, գործունեութեան, այլ է նոր աճող սերունդը, որն ի վիճակի է եւ պէտք է պայքարի անցեալ դարձող հոգեվիճակի ու գաղափարախօսութեան դէմ: «Որդիների պայքարը հայրերի դէմ» աշխատութեան մէջ հէնց այս առումով հնչում են հռետորական հարցեր, որոնք հաւաստում են երիտասարդութեան կարողությունները եւ հին սերնդին հակադիր ձգտումները, մղում դէպի մեծագործություններ. «**Ո՞վ չի գգացել** երբեմն իր մէջ կորովի յանկարծական ծովացում: **Ո՞վ չի ունեցել** երբեմն հանճարեղ ներշնչումներ, յայտնություն, պարզատեսություն: **Ո՞ւմ յաճախ չի թաացել**, որ ինքը որոշ արտասովոր վայրկեաններում ընդունակ է զարգացնելու իր մէջ շատ աւելի մեծ ոյժ, քան այն, որ գգում է իր մէջ սովորական վիճակում» (Հ, էջ 97): Այսպիսի խոհերի են տանում հարցերը սեփական ժողովրդի վերաբերեալ:

Գալով մարդկութեանը՝ նախորդ երկու ենթակէտում արդէն առիթներ եղել են հեղինակի հետ մէկտեղ խորհելու ընդհանուր խնդիրների շուրջ: Դա *Երջանկության խնդիրն էր*. «**Չե՞ս յիշում**, ընթերցո՞ղ, այն ծանօթ պատկերը, որ երջանկութիւնը կը խորհրդանշէ: Կախարդական գօրութեամբ օժտւած կանացի մի թելաւոր էակ ... փախչում է՝ իրեն հետ վազեցնելով մարդկային ցեղը... **Ինչո՞ւ, ինչո՞ւ այդպէս: Ինչո՞ւ կը տառապի մարդկային ցեղը**», - ցաւազին հարցնում է հեղինակը «Որդիների պայքարը հայրերի դէմ» աշխատութեան մէջ, «Որովհետեւ միամիտ մարդը, իրենից, իր հոգուց դուրս փնտռեց եւ կը փնտռէ երջանկութիւնը: Որովհետեւ նիւթականացած մարդը չճանաչեց ճշմարիտ երջանկութիւնը եւ իր կեանքը վերածեց դժոխքի» (Հ, էջ 92-93): Դա

համամարդկային համերաշխությունն է, որը ներկայ հակամարտությունների պայմաններում անիրականանալի է. «Արդեօք **այսօր հնարաւո՞ր է** աշխարհը լցնող «ազգ եւ ազիւնք»-ների համաշխարհային եղբայրությունը... Հնարաւո՞ր է դա... վաղը, մոտիկ ապագայում», - անհանգիստ ու դարձեալ ցաւագին տրուում է հարցը, - «Ո՛հ, ի հարկէ» (Հ, էջ 455): Եւ ահա ամենամտահոգիչ, տագնապալից խնդիրը. *ն՛ւմ եւ ինչի՞ կծառայի ատոմային էներգիան*. «Ատո՛մ, դու անսիրտ աստուածութիւն, **ո՞վ, ո՞վ է գործի դնելու քո տարերային ոյժը** - չարութեան ձեռք **պատերա՛զմը, թէ՛ խաղաղութիւնը**» (Հ, էջ 375):

Գարեգին Նժդեհի խոհական հարցերը, իրենց պատասխաններով հանդերձ, կարող են լինել կարճ, հատու, սեղմ եւ ընդգրկուն բովանդակութեամբ՝ հաւասարուելով ասոյթների: Երկու նմուշ, թերեւս. «**Ներն՛լ եք ուզում** - յաղթե՛ք նախ» (Հ, էջ 136): «**Փա՛ռք ես փնտրում՝** վտանգ փնտրիր» (Հ, էջ 392):

Այսպիսով՝ հարցերը, այդ թւում՝ հռետորական հարցերը, որպէս ճարտասանական միջոց, Գարեգին Նժդեհին առաւել յաճախ գործադրում է փնջերով: Դրանք կարող են ուղեկցուել պատասխաններով կամ իբրեւ պատասխան ակնկալուող այլ հարցով. արտայայտում են ամենատարբեր զգացմունքներ ու տրամադրություններ, ընդգծում, շեշտում նախադասությունների իմաստը, աւելացնում խօսքի յուզականությունը՝ ընթերցողին կենտրոնացնելով իր ասելիքի վրայ:

РЕЗЮМЕ

Выдающийся оратор Гарегин Нжде, используя риторический вопрос, концентрирует внимание читателя на сказанном, придавая тем самым особую экспрессию речи. При этом вопросы могут быть выражены одним словом, словосочетанием либо предложением.

Г. Нжде в своей речи нередко использует сгруппированные вопросы, число которых иногда достигает двадцати. В случае, когда вопросы имеют негативный характер, предполагается позитивный ответ, а ответы на вопросы позитивного характера предполагают ответ негативный. В определенных случаях Г. Нжде сам отвечает на собственные вопросы – лаконично, но в то же время весьма обстоятельно, иногда отвечая вопросом на вопрос.

Рассмотренные стилистические методы дают возможность передать те или иные оттенки настроения и душевного состояния: дилемму, обращение, негодование, порицание, неопределенность, рассудительность и т.д.

SUMMARY

Garegin Nzhdeh, an outstanding orator, used rhetorical questions to attract the reader's attention and to make his speech more expressive. He often formed his questions through single words, phrases or sentences.

In his speech, G. Nzhdeh often tends to use group questions, the number of which can sometimes reach twenty. Negative questions thus require a positive response, whereas positive ones imply a negative answer. In certain cases, G. Nzhdeh answers the questions he himself, providing laconic but at the same time in-depth answers. Frequent are the cases when he poses another question in response to the answer.

The aforementioned stylistic devices convey the mood of the author and his emotional state, highlight dilemmas, express his attitude, discontent, criticism, uncertainty, discretion, etc.